

ՔՐԻՆԵՐԸ ԵՎ ՌԱԶՄԱՔԱՂԱՔԱԿԱՆ ԱՆՑՔԵՐԸ ԱՏՐՊԱՏԱԿԱՆՈՒՄ
X ԴԱՐԻ ԱՌԱՋԻՆ ԿԵՍԻՆ (ԸՍՏ ԱՐԱՔԱԿԱՆ ԱՂՔՅՈՒՐՆԵՐԻ)

Ա. Պ. ՓՈԼՍԴԱՆ

Միջնադարյան արաբալեզու հեղինակները Ատրպատականում քրդերին հիշատակում են VII դարի 40-ական թթ. արաբների կողմից նահանգի գրավման ժամանակ¹։ Արաբական նվաճումներից հետո Մոսուլի մարզից և այլ շրջաններից գեպի Ատրպատական քրդական ցեղերի արտագաղթները տեղի էին ունենում անաղմուկ, ռազմաքաղաքական այս կամ այն իրադարձությունների և սոցիալ-տնտեսական տարբեր դրդապատճառների հետևանքով։ Այդ գործում առանձնահատուկ էր խաշնարած քրդերի դերը, որոնք տարվա տարբեր եղանակներին՝ ձմեռվա և ամառվա ցիկլերը անց էին կացնում նահանգի արոտավայրերում, հատկապես նրա հարավ-արևմտյան հատվածներում։

Աբբասյան խալիֆայության աստիճանական քայքայումը և տեղական ուժեղ իշխանությունների բացակայությունը X դարի առաջին կեսին նպաստավոր պայմաններ ստեղծեցին Ատրպատականում քրդական տարրի ակտիվ գործողությունների համար։ Այս շրջանում քուրդ ֆեոդալների մեջ աչքի ընկավ Սաջյան ամիրայական դինաստիայի օրոք անուն հանած Դալսամ իբն Իբրահիմ ալ-Քուրդին։ Ատրպատականում նրա և քրդերի գործունեության վերաբերյալ հիմնական տեղեկությունները պահպանվել են միայն արաբական աղբյուրներում՝ մասնավորապես X—XI դդ. պատմիչ Իբն Միսքավի² հի, Իբն ալ-Ասիրի (XIII դար), Իբն Խալդունի (XIV դար) և այլոց երկերում։ Նրանք տվյալները ցույց են տալիս, որ Դալսամի հայրը եղել է մահմեդական խառնիչ հոսանքի հետևորդ և IX դարի երկրորդ կեսից այդ շառժման հայտնի պարագլուխ Հարուն ալ-Շառիի կողմնակիցներից մեկը։

Նրբ 896/7 թ. Հարունը սպանվեց և Մոսուլի մարզում ճնշվեց խառնիչների շարժումը, նրա հայրը փախավ Ատրպատական և ամուսնացավ, ինչպես ընդգծում են առաջ հեղինակները, տեղի քուրդ ռալիսներից (առաջնորդներից, ցեղապետներից) մեկի աղջկա հետ, որն էլ ծնեց Դալսամին³։ Դա նշանակում է, որ Դալսամը ծնվել է Ատրպատականում 897 թ. հետո։ Ատրպատականը, որի ազգաբնակչությունը բաղկացած էր իրանական խառն տարրերից, խալիֆայության գերիշխանության ժամանակաշրջանում հաճախ միացվում էր Ալմի-նիա ոստիկանության հետ։ Այս երևույթը մի վառչական վերապրուկ էր, որի սկիզբը հասնում էր մինչև սասանյան շրջանը⁴։ Այստեղ Սաջյանների գործունեությունը (որպես կառավարիչներ) սկսվեց 898 թ., երբ Ատրպատականի և Ալմինիայի կառավարիչ նշանակվեց Աֆշին մականունով Մուհամմադ իբն Աբու աս-Սաջր⁵։ Դալսամ իբն Իբրահիմ ալ-Քուրդին, ինչպես նշում են արաբ

¹ البلاذري، كتاب فتوح البلدان، القاهرة، ١٩٠١، ص ٣٣٤

² Ibn Miskawathi. The Experiences of the nations, ed. by H. F. Amidroz. V. II, Oxford, 1921, p. 32-33; ابن المثير، الكامل في التاريخ، جلد ٦، القاهرة، ١٣٥٣، ص ٢٨٦؛ ابن خلدون، كتاب العبر وديوان المبتدأ والخبر، ج ٣، مصر ١٢٨٤، ص ٤١٣

³ Ա. Տեղեկության. Արաբական ամիրայությունները Բագրատունյաց Հայաստանում. Երևան, 1965, էջ 112:

⁴ الطبري تاريخ الرسل والملوك، ج ١٠، القاهرة ١٩٦٩، ص ٦٨؛ ابن المثير، الكامل، ج ٦، ص ٩١

հեղինակները, ծառայեց Յուսուֆ Աբու աւ-Սաջի (901—928 թթ.) մոսլ., ակրն-հայտ հաջողությունների հասավ և համարվեց նրա հայտնի զորավարներից մեկը: Նա այնքան հզորացավ, որ Յուսուֆի մահից հետո տիրեց Ատրպատականին⁵: Այսպիսով, կարելի է ենթադրել, որ Ատրպատականում քաղաքական անկախություն հասնար Դաւյամի պայքարը սկսվեց մոտավորապես 928 թ., երբ սպանվեց Յուսուֆը⁶, թեպետ դրանից հետո Սաջյանները մի քանի տարի մրնացին այնտեղ:

Իբն Միսքավայհը և Իբն ալ-Ասիրը Դաւյամ իբն Իբրահիմ ալ-Քուրդիի մասին առաջին տեղեկությունները հաղորդում են հիշքի 326 (937/8) թ. իրանական Ջիբալ նահանգի Ջիյարիների նախկին կառավարիչ Լաշքարի իբն Մարգիի Ատրպատականի վրա հարձակվելու կապակցությամբ⁷: Նրանց կարծիքով նահանգը այդ թվականին արդեն գտնվում էր Դաւյամի իշխանության ներքո: Պահպանված դրամներից պարզվում է, որ դեռ 934/5 (323) թ. Ատրպատականի իշխանն էր Մուֆլիհը՝ Յուսուֆ իբն աւ-Սաջի ծառան⁸: Պետք է ենթադրել, որ նահանգի իշխանությունը Դաւյամին անցավ մոտավորապես 934—938 (323—326) թթ. միջև⁹, որովհետև հայտնաբերված դրամական գանձերը վկայում են, որ հիշքի 325 (936/7) թ. նրա անունով դրամ է թողարկվել Բարդաւում (Պարտավում)¹⁰: Սա նշանակում է, որ Սաջյան Մուֆլիհի իշխանությունն իսուրը շրջանում Դաւյամը արդեն որոշ հաջողությունների էր հասել:

Արաբական սկզբնաղբյուրները վկայում են, որ Դաւյամ ալ-Քուրդիի դուքի մեծամասնությունը քրդեր էին և միայն փոքր զորաջոկատներ կազմված էին իրանական գալաճներից (դեմիկներից)¹¹: Պետք է ենթադրել, որ սկզբից էլ Դաւյամը հենվում էր քուրդ ցեղակիցների վրա, որոնց թիվը այդ շրջանում, ինչպես երևում է, բավական մեծ էր նահանգում:

937/8 (հիշքի 326) թ. Ջիբալից մեծաթիվ զորքով Ատրպատականի վրա հարձակվեց Լաշքարի իբն Մարգին, որից Դաւյամը իրար ետևից կրեց մի քանի պարտություն: Լաշքարին հետզհետե զրավեց դեթե ողջ նահանգը, բացի Արդեբիլից, որը համարվում էր նրա կենտրոնը (մայրաքաղաքը): Նրան հակահարված տալու համար Դաւյամը սկսեց բանակցել Ջիյարիների ամիրայական տան իշխան Վաշմգիրի հետ: Ռազմական օգնություն ստանալու դիմաց, որը բաղկացած էր «տասը հազար հեծյալ քրդերից և ուրիշներից», նա պարտավորվեց կատարել հետևյալը. 1) ապահովել այդ զորքի բոլոր տեսակի ծախսերը Ատրպատականի մուտք գործելուց անմիջապես հետո՝ Ռեյի կողմից: Նահանգի նույն քաղաքից, 2) Դաւյամը խոստացավ Վաշմգիրի պատվին ուրբաթօրյա խոթբա կատարել Ատրպատականի բոլոր միևարեթներում, 3) նա

⁵ Ibn Miskawaihi. V. II, p. 33. ابن الاثير الكامل ج ٦ ص ٢٨٦: خلدون، كتاب العبر، ج ٣ ص ٤١٣.

⁶ B. Ф. Минорский. История Ширвана и Дербенда. М., 1963, с. 86. ابن الاثير، الكامل، ج ٦ ص ١٨٨.

⁷ Ibn Miskawaihi. The Experiences of the nations, ed. by H. F. Amidroz. V. I, Oxford, 1920, p. 398—404. ابن الاثير، الكامل، ج ٦ ص ٢٦٧—٢٦٨.

⁸ Ibn Haukal. Viae et Regna Descriptio ditioni moslemica.—Bibliotheca Geographorum Arabicorum, ed. M. J. De Goeje, pars II, lugduni Bat. Apud E. J. Brill, 1873, p. 236.

⁹ А. А. Быков. Дайсам ибн Ибрахим ал-Курди и его монеты.—Эпиграфика Востока, 1955, X, с. 27—28.

¹⁰ А. А. Быков. Два новых дирхема Даисама ибн Ибрахима ал-Курди.—Эпиграфика Востока, 1971, XX, с. 74—76.

¹¹ Ibn Miskawaihi. V. II, p. 31: ابن الاثير، الكامل، ج ٦ ص ٢٨٦.

սլարտավորվեց Վաշմգիրին տարեկան վճարել հարյուր հազար դինար և նրա քորթը անհապաղ վերադարձնել Լաշքարիի հետ հաշիվները մաքրելուց հետո¹²։

Երբ նույն թվականին Վաշմգիրի բանակը Ռեյից ուղևորվեց Ատրպատական, Լաշքարին առանց ռազմական ընդհարումների իր ղորքը դուրս բերեց նահանգից, անցավ Անձևացյաց դավառը, ուտեղից էլ մտադրություն ունեւր շարժվելու դեպի Մոսուլ։ Սակայն ճանապարհին հայ Արծրունիները Լաշքարիի դեմ ծուղակ լարեցին և սպանեցին նրան¹³։

Ռազմաքաղաքական վերոհիշյալ իրադարձությունների նկարագրությունը բավական մանրամասնորեն տալիս են Իբն Միսքավային ու Իբն ալ-Ասիդը։ Նրանց հաղորդումները լրացնում են միմյանց և ավելի ամբողջական են դարձնում Դաւսամի գործունեությունը Ատրպատականում, ինչպես նաև նրա և հարեան իշխանների փոխհարաբերությունները։

Կրկին տիրելով Ատրպատականին, Դաւսամի ալետեղից վտարեց նաև արաբ համգանիններին¹⁴։ Սակայն այս անգամ նա ստիպված եղավ՝ պայքար մղել իր քուրդ ցեղակիցների դեմ, որոնք նահանգի ծայրամասերում բավական աղատ էին գործում, և գրավել էին նրա որոշ տիրույթները։ Նրանց հակահարձակած տալու համար իր վարձկան զորքում նա ծառայության վերցրեց ալլևալ վայրերից, այդ թվում նաև Մոսուլից եկած օտար ուժերին։ Նա համոզվեց, որ դաւլամների միջոցով կարող է ծնկի բերել ըմբոստ քուրդ ֆեոդալներին։ Դաւսամի մոտ ծառայության անցան նաև զայլամցի ազնվականներ, որոնց թրվում էր նրա ապագա հակառակորդի՝ Մարզբան Իբն Սալարի կոտսեր եղբայրը։ Կալուր Իբն Մուհամմադ Իբն Մուսաֆիրը՝ Դաւլամական զորախմբով Դաւսամին հաղորդվեց վերջ տալ իր ցեղակիցների՝ քրդերի երկապակություններին, նրանցից խել զրաված տիրույթները և ձեռքառել մի խումբ ցեղապետերի¹⁵։

Հիշքի 326—330 (937/38—941/42) թթ. աղբյուրները բոլորովին լուսում են Դաւսամի մասին։ Այս հանգամանքը պետք է բացատրել նույնով, որ նրա հախանությունում այս տարիներին, ըստ Լընուլթին, էական իրադարձություններ տեղի չունեցան։

Դաւսամի և Սալարյանների հակամարտությունների մասին առաբ մատենագիրները սկսում են խոսել հիշքի 330 (941/2) թ.։ Այդ թվականին էլ խիստ սովեցին Սալարյանների և Դաւսամի փոխհարաբերությունները, որում մեծ էր վերջինիս վեղիւ Աբու ալ-Կասիմ Ալի Իբն Ջաֆարի դերը։ Բանն այն էր, որ Աբու ալ-Կասիմը սկսեց դավեր նյութել Դաւսամի դեմ, որի պատճառով էլ հեռացվեց վեղիրի պաշտոնից, բայց հասցրեց փախչել ու ապաստան գտնել Բաբ (Թարոմ) նահանգում (Դաւլամում) Սալարյան զինաստիայի (916—մոտ 1030 թթ.) Դաւլամում և Ատրպատականում) հիմնադիր Մուհամմադ Իբն Մուսաֆիրի մոտ։ Նրա այստեղ հասնելը, ինչպես ընդգծում են Իբն Միսքավային ու Իբն ալ-Ասիդը, համընկավ Մուհամմադ Իբն Մուսաֆիրի դեմ նրա երկու սղանների՝ Մարզբանի և Վահսուդանի ապստամբությանը։ Վերջիններս ձեռքառել էին իրենց հորը և գրավել նրա ամրոցներն ու տիրույթները¹⁶։ Աբու ալ-Կասիմ Ալի Իբն Ջաֆարը ծառայության անցավ Մարզբանի մոտ իբրև վեղիւ և սկսեց նրան հրահրել Դաւսամի դեմ։ Մարզբանի ու Աբու ալ-Կասիմի մտերմությունը ամրապնդվեց նաև, ինչպես ընդգծում են Իբն Միսքավային ու Իբն ալ-Ասիդը, շիական «Բաթինիյա» աղանդի հետևորդ լինելու հանգամանքով¹⁷։ Դաւսամի դեմ դավեռ նյութելու նպատակով Աբու ալ-Կասիմը ծածուկ

¹² Ibn Miskawathi. V. I. p. 40—401.

¹³ ابن الاثير 'الكامل' ج ٦ ص ٢٦٨-٢٦٧.

¹⁴ Նույն տեղում։

¹⁵ Ibn Miskawathi. V. I. p. 31; ابن الاثير 'الكامل' ج ٦ ص ٢٨٦.

¹⁶ Նույն տեղում։

¹⁷ Նույն տեղում, էջ 32։

կապեր հաստատեց նրանից և նրա խարիջիական հավատամքից ղժզոհ տար-
րերի հետ: Հիշքի 330 (941/2) թ. Մարդբանը ներխուժեց Ատրպատական և
խսկուլն նրա կողմն անցան շուրջ երկու հազար դաշլամցի մարտիկներ, ինչպես
նաև շատ բողեք¹⁸: Պարտություն կրելով՝ Դալսամը հարկադրված եղավ փոքր
զորախմբով փախչել Հայաստան: Օգտվելով, ինչպես նշում է Իբն Միսքավայ-
հը, Գադիկ ադ-Դալանի (Վասպուրականի հայ իշխան Գադիգ Արծրունի-Գա-
դիկ Դերենիկ—904—943/4 թթ.) հետ ունեցած բարեկամական կապերից, նա
հաստատվեց նրա մոտ և պատիվների արժանացավ¹⁹: Դալսամը զոջաց իր կա-
տարած սխալի՝ բանակում մեծ թվով դաշլամների ներգրավելու համար և
սկսեց հավաքադրել քրդական զորախմբեր: Իբն Միսքավայհը, ընդգծելով վե-
րահիշյալը, նշում է, որ ժամանակի լրջախոհ մարդիկ նրան խորհուրդ տվեցին
գործ շունենալ դաշլամների հետ, իսկ անհրաժեշտության դեպքում նրանցից
սպանել ընդամենը 5 հարյուր մարդ²⁰: Այդ ժամանակ Աբու ալ-Կասիմ Ալի իբն
Ջաֆարի գեմ Աբու Սաիդ իբն Մուսա Իսքավայհի գլխավորությամբ դավադ-
րություն կազմակերպեցին այս անգամ Մարդբանի մարդիկ: Ալի իբն Ջաֆարը,
դիմելով այդ և հաշվի առնելով Մարդբանի ազահությունը, խորամանկ քաջ
արեց. նա խոստացավ նրա համար մեծ հարստություն ձեռք բերել թավրիդից:
Մի խումբ մեծամեծ մարդկանց հետ Ալի իբն Ջաֆարին հաջողվեց մեկնել
Թավրիդ: Այստեղ նա հայտնեց Դալսամին, որ ինքը պատրաստ է նրան օգ-
նելու, մինչև որ վերականգնվի նրա իշխանությունը Ատրպատականում: Դալ-
սամն ընդունեց այդ առաջարկը միայն մի պայմանով, որ Ալի իբն Ջաֆարը
ամենից առաջ ոչնչացնի դաշլամներին: Վերջինս Թավրիդի բնակիչների օգ-
նությամբ ձերբակալեց դաշլամների զորահրամանատարներին և իր հավաքած
զորքով անցավ Դալսամի կողմը: Նրան միացան Մարդբանի վատ վերաբեր-
մունքից ղժզոհ քրդերը՝ նույնպես²¹: Սուլեյմանյանը արագադրին Մարդբանի
գործողությունները և նա շտապեց Թավրիդ: Քաղաքի արվարձաններում տեղի
ունեցան թեժ մարտեր, ուր քրդերը դարձյալ պարտվեցին: Եւ Դալսամը պա-
տկապարկեց Թավրիդում: Ապա գիշերով նա ծակեց քաղաքի պարիսպը և իր
զորականների հետ մեկնեց Արդեբիլ: Թավրիդը թողնելով պաշարման մեջ,
Մարդբանը ևս զորքով մեկնեց Արդեբիլ: Այստեղ էլ Դալսամը ձերբակալվեց
և բանտարկվեց Թարումի նահանգում²²:

Այս դեպքերի մասին խոսելիս, Անանուն հեղինակը հաղորդում է, որ
Մարդբանը Ատրպատականի վրա հարձակվեց ոչ թե հիշքի 330 թ., այլ հիշքի
328 (939/40) թ.: Ըստ նրա Արդեբիլում Մարդբանը Դալսամին պաշարեց երեք
տարի շարունակ, որի ընթացքում քաղաքի սրվարձանում կառուցեց մի ավան
և կոչեց «աս-Սաբիրա» (համբերող)²³: Այս վկայությունից երևում է, որ Մարդ-
բանը Արդեբիլը գրավեց հիշքի 331 (942/3) թ.: Իսկ պաշարման ժամկետը
(երեք տարի) համոզիչ չէ: Աշխարհագիր Իբն Հաուկալը (X դար) իր հերթին
ևս գրում է, որ Սալարյան Մարդբանը Արդեբիլը նվաճեց հիշքի 331 թ. և քան-
դեց քաղաքի հսկա պարիսպը²⁴:

Դալսամ Իբն Իբրահիմ ալ-Քուրդին շուրջ 7 տարի անցկացրեց Թարումի
ամրոցում և բացակայեց քաղաքական ասպարեզից: Ատրպատականում իր իշ-

¹⁸ Նույն տեղում, էջ 33:

¹⁹ Նույն տեղում:

²⁰ Նույն տեղում:

²¹ Նույն տեղում, էջ 33—34:

²² Նույն տեղում, էջ 36—37: 86'a : ٢٨٧-٢٨٦ ص 'ج ٦' ابن الاثير، الكامل، ج ٦، ص ٤١٤-٤١٣

²³ «ولم يجهول» كتاب العيون و الحقائق في اخبار الحقائق، ج ٤، ص ٣٣٨

²⁴ Ibn Haukal. Op. cit., p. 237.

խանությունը վերականգնելու փորձերը նա կատարեց ավելի ուշ՝ իրանական բռնիների օրոք: Հայտնի է, որ հիշքի 337 (948/9) թ. Մարզբանը հարձակվեց Կենի վրա, որտեղ պարտություն կրեց բուի իշխան Ռուքն ադ-Դաուլայից և ձերբակալվեց ու բանտարկվեց Ֆարսի հյուսիս-արևելյան մասում գտնվող Արմալում ամրոցում²⁵: Դրանից հետո Ռուքն ադ-Դաուլայի զորքը հարձակվեց Ատրպատականի վրա: Հաշվի առնելով նահանգում և քրդերի մեջ Դալասամի հեղինակությունը, Մարզբանի եղբայրը՝ Վահսուդանը, նրան աղաթեց Քալուսի ամրոցից և հանձնարարեց Ատրպատականի քրդերից զորք կազմել ու հանդես գալ բուի զորահրամանատար Աբգ առ-Ռազակի դեմ²⁶: Իբն Միսքավայ-Հի նշում է, որ Դալասամի քրդական նոր զորքում ընդգրկվեցին նաև դալասամական ջոկատներ: Նա իսկույն շարժվեց դեպի Արդեբիլ, բայց երբ իմացավ, որ այնտեղ է գտնվում բուի զորավար Աբդ առ-Ռազակը, թեքեց իր ուղղությունը և գնաց Կարտավի շրջան՝ իր զորքը համալրելու և ռազմամթերք հայթայթելու համար²⁷: Սակայն նույն թվականին Արդեբիլի մոտ բուիների հետ ունեցած ճակատամարտում նրա զորքը պարտություն կրեց²⁸: Ապա որոշ ժամանակ անց բուի զորահրամանատարը, մեղանհատ պատճառով, իր զորքը դուրս բերեց Ատրպատականից և մեկնեց Զիբալ²⁹: 949/50 թ. Դալասամը առանց մատակարան գործողությունների մտավ Արդեբիլ, որով էլ վերականգնվեց նրա իշխանությունը նահանգում: Նույն թվականից էլ նա իր մակագրությամբ սկսեց դրամ Գողարկել Արդեբիլում³⁰: Այնուհետև քրդական և դալասամական վարձկան զորքի օգնությամբ նա իրեն ենթարկեց գրեթե ողջ Ատրպատականը և հարևան առանձին շրջաններ³¹:

953/4 (հիշքի 342) թ. Սումայրամ ամրոցից փախավ Սալարյան Մարզբանը, որը շուտով հայտնվեց Ատրպատականում: Դա էլ ճակատագրական հղավ Դալասամի համար: Խայտառակ պարտություն կրելով Մարզբանի կողմնակիցներից, նա քրդական փոքրամիավ զորախմբով փախավ կրկին Հայաստան՝ Վասպուրականի հալ Արծրունիների մոտ, այնտեղից էլ Բաղդադ³²: Մեզ հասած սկզբնաղբյուրների տվյալները վկայում են, որ Դալասամը մի քանի տարի մնաց Բաղդադում, անցավ Սիրիա և այդ ընթացքում բավական ճիզեր գործադրեց Ատրպատական վերադառնալու համար: Սալարյան Մարզբանին ջախջախելու նպատակով նա ռազմական օգնություն խնդրեց Բաղդադի բուի հզոր իշխան Մուհիդդ ադ-Դաուլայից, արաբ համդանյան իշխաններ Նասիր ադ-Դաուլայից, Սալֆ ադ-Դաուլայից և ուրիշներից³³: Սակայն ապարդյուն: 955/6 թ. Ատրպատականի քուրդ առաջնորդներից մեկի աջակցությամբ նա մտավ Սալամաստ քաղաքը: Այստեղ էլ Դալասամը անկարող գտնվեց դիմադրելու Սալարյան Մարզբանին և կրկին փախավ ու ապաստան գտավ հայ Արծրունիների մոտ³⁴: Իբն ալ-Ասիրը գրում է, որ Մարզբանին հաջողվեց Հայաստանում ձերբակալել Դալասամին. ապա տեղափոխեց նրան Ատրպատական, «փորեց աչքերը, կուրացրեց և բանտարկեց: Մարզբանի մահից հետո նրա մարդկանցից մեկը

²⁵ ابن الاثير، الكامل، ج ٦، ص ٣٣٠.

²⁶ Նույն տեղում, 86'u Ibn Miskawaihi, V. II, p. 135.

²⁷ Ibn Miskawaihi, V. II, 136. 86'u նաև. ٣٣٠، ص ٦، الكامل، ج ٦.

²⁸ Նույն տեղում:

²⁹ Նույն տեղում, էջ 148:

³⁰ А. А. Быков. Два новых дирхема Дайсамы ибн Ибрахима ал-Курди. с. 74—76.

³¹ Ibn Miskawaihi, V. II, p. 148—149.

³² Նույն տեղում, էջ 148—151, 156, 161, ٣٤٢، ص ٦، الكامل، ج ٦.

³³ Նույն տեղում:

³⁴ ابن الاثير، الكامل، ج ٦، ص ٣٤٣.

սպանեց Դալսամին՝ վախենալով նրա ռիսակալությունից»³⁵։ Դա նշանակում է, որ Դալսամը սպանվեց 957/8 թ. հետո։

Այսպիսով, X դարի 30—50-ական թթ. ընդմիջումներով Դալսամը կարողացավ հանդես գալ Ատրպատականի ռազմաքաղաքական թատերաբեմում։ Թեպետև զանազան դրդապատճառներով քրդական ցեղերը երբեմն լքում էին նրան, բայց անմիտելի փաստ է նաև, որ ի դեմս նրանց՝ նահանգում լայն գործունեություն ծավալելու համար նա ամուր հենարան ուներ։ Ատրպատականում քրդական միջավայրի առկայությունն էլ հենց նրան հնարավորություն տվեց մի քանի տարի անընդմեջ պալքարը շարունակել ինքնավարության համար։ Բայց անկաղմակերպվածության և ներքին երկպառակությունների ու արտաքին հարվածների հետևանքով նրա իշխանությունը երկար չտևեց և Ատրպատականը ենթարկվեց Սալարյաններին³⁶։

Միևնույն ժամանակաշրջանում, X դարի առաջին կեսին, քրդերը իրրև ռազմիկ տարր կարևոր դեր խաղացին նահանգի ռազմաքաղաքական կյանքում։ Որպես վարձկան զորք նրանք ծառայության անցան ամիրայական տներին՝ Սաջանների, Սալարյանների և, իհարկե, նույն Դալսամի բանակում։ Ուշագրավ է նշել, որ թե՛ քրդական և թե՛ դալսամական³⁷ վարձկան զորաջոկատները ալս շոջանիո սկսած իրենց ռազմական գործողություններով նոր լիցք հաղորդեցին արևելյան մահմեդական աշխարհի իրանական տարրի ակտիվացմանն ընդհանրապես³⁸։

КУРДЫ И ВОЕННО-ПОЛИТИЧЕСКИЕ СОБЫТИЯ В АТРПАТАКАНЕ В ПЕРВОЙ ПОЛОВИНЕ X ВЕКА (ПО АРАБСКИМ ИСТОЧНИКАМ)

А. П. ПОЛАДЯН

Резюме

В X веке область Атрпатакан была одной из главных арен активной деятельности курдов. После арабских завоеваний миграции курдских племен в эту область были связаны с разными социально-экономическими и политическими причинами. Ослабление Аббасидского халифата и отсутствие сильной местной власти в первой половине X века привели к активизации здесь курдского элемента. В это время особенно отличался известный курдский военачальник Дайсам ибн Ибрахим ал-Курди, который овладел областью примерно в 934—938 гг. Его войско вначале состояло из курдов, в дальнейшем Дайсам стал привлекать к службе также дайлами́тов. Он был правителем Атрпатакана с перерывами до 953/4 г.

Кроме того, в указанный период курды в качестве наемной военной силы использовались и местными династиями—Саджидами и Саларидами.

³⁵ Նույն տեղում։

³⁶ К. Э. Босворт. Мусульманские династии. М., 1971, с. 127—129.

³⁷ Այդ մասին ավելի մանրամասն տե՛ս V. Minorsky. La domination des dailamites. Paris, 1932.

³⁸ К. Э. Босворт. Нашествия варваров.—Мусульманский мир 950—1150 М., 1981, с. 27.